

什邡縣志卷五十四

外紀志

郁閣頌

熙寧五年天下碑錄在什邡縣

金石古文歐公跋碑文云醜散關之嘲潔徒朝陽之平爇刻畫適完非其訛謬而莫詳其義故錄之以俟博識君子今按醜古與釋通史記張儀傳杖而醜之韓信傳醜兵北首燕路趙明誠金石錄載漢碑文有云農夫醜來又云辭榮醜黻潔本濟潔之潔漢人或寫作潔借作濕字用嘲潔謂嘲濕也

什邡縣志

卷五十四

外紀

一

爇與燥同分隸小異如摻亦作操之例平爇謂乾燥也言去濕而就燥也以假借之義訓之亦通升庵楊慎重跋

額題云折里橋郁閣頌六隸字為二行碑式云文十九行行二十七字太守漢陽李翁平闕頌後又有詩並別行又有數行刻年月及書撰人石師姓名余家有舊拓本無此數行重刻本有之其曰從史位口口口口字漢德為此頌者隸續證以天井題名謂即仇靖是也其曰故吏下辨口口口子長



書此頌者天下碑錄以爲仇子長名紉未知何據  
豈作碑錄時其三字猶未闕耶但重刻本字甚拙  
惡比之舊拓本已盡失其真集古錄跋李翕作李  
會曾南豐跋此碑云翕字殘缺不可辨歐陽永叔  
以爲李會余亦意其然及馬城中玉得此頌以視  
余始知其爲李翕永叔於學博矣其於是正文字  
尤審然一以其意質之遂不能無失則古人之所  
以闕疑其可忽歟

集古錄目云在興元字原云磨崖在興州宋之興

元府今爲漢中府興州今爲畧陽縣屬漢中天下  
碑錄云在漢州什邡縣漢州今與什邡俱屬成都  
府此碑今重刻在畧陽則不在什邡可知碑錄誤

也

以上錄李雨  
村蜀碑記補

按什邡古無此碑不知天下碑錄因何而誤姑  
錄之外紀

漢陽翁偉廣漢雒人能聽鳥獸之音乘蹇馬出野間  
有牧馬與蹇馬鳴聲相聞翁偉謂其御曰彼牧馬  
目眇御曰何以知之曰罵此轅中馬曰蹇馬蹇馬



亦罵之曰眇馬御者不信使往視之馬目果眇適  
又聞羣鵲鳴樹上其御曰鵲噪何爲翁曰前有覆  
車粟相約往食耳

出論衡

楊宜雒縣人爲河內太

守行縣有羣鳥鳴桑樹上宣謂史曰前有覆車粟

此鵲相隨欲往食之行數里果如其言

見益部耆舊傳 史

志紀 異

按論衡耆舊傳二說儼然一事而人各不同意  
者翁偉其宣之別號陽字屬誤筆耶

趙應貴居龍居山口下家甚貧康熙四十年十月初

什邡縣志

卷五十四

外紀

三

入山採薪見一白雄雞自林中出引小雛十六大  
如兒拳冠翎啄距純白不甚畏人因撲之得一枚  
於敗葉下方欲取大雞突至啄之著手上有聲血  
隨出傷痕如米粒雞亦不知所往徐出雛視之乃  
白金小錠也歸付爐火匠鎔之得銀五兩八錢未  
幾傷痕腫潰百方不協延至次年正月將前銀零  
星鑿裂用盡瘡亦尋愈

史志

按地鏡圖云白銀之見爲雄雞以此質之其說  
不謬而人生有命倖獲生災卽此亦可概見

史志



何玉支廣安人來什佃耕雍正九年八月初八無瑕  
山中採藥見嶺旁山藥苗葉下結實如鵝卵摘之  
沈實同行者各懷十數枚日暮炮之麻苦不可食  
盡棄之抵家篋中猶遺二枚適伊族姪登奎表甥  
張奇來訪各攜一枚去明年何至奎家見鎖鑿猿  
猴蹲坐像堅巧無比問之奎笑曰阿叔負篋中果  
實也何異之次日同至張奇家出果剖視宛然一  
龜形趣妙同前

史志

胡西陵江西泰和人乾隆元年入山負烏梅至八步

什邡縣志

卷五十四

外紀

四

坎疲甚見長嶺岸壁下有木如榆而黑隱臥豐  
草中遂坐其上倚梅包於巖畔暑日當林微晡良  
久忽覺坐下冰冷臥木中似有氣息轉動驚寤細  
視之巨蟒也鱗甲大如掌甲中綠毛長八九寸上  
下一盼草深不辨首尾一時喊跌順坡滾下約二  
里近大河高岸盡篾工棚息定告之棚主人召諸  
治篾者各執器械往驗豐草依然一無所見梅包  
宛然倚巖壁上

史志

考韓詩外傳木石之怪曰夔罔兩水之怪龍罔



象土之怪曰獐羊蟒水怪也而見於山不可測

史進  
爵

邑西土產寺僧通一號自囚眉州杜氏子也中武舉任俠不羈一夜夢金甲神告之曰爾乃吾法會中人不可久墮塵網寤卽棄家祝髮於眉之中崑寺戒律甚嚴一日坐定見金光漫空地湛然遇物無礙凡歲之豐歉人之禍福言無不驗後挂錫於什見有明護國寺廢址嘆曰此地可居矣遂建茅庵一所日乞一食兀坐其中鄉人見其行住坐臥

什邡縣志

卷五十四

外紀

五

俱有金光羣呼爲小達摩遠近瞻拜者如市爭相釀金建寺居之自名其寺曰土產年八十餘一日謂其徒本空曰吾當示寂矣入室披衣趺坐而化至今父老猶稱其神異云僧著有語錄二卷

李大有南關商民也本楚人艱於衣食以酒飯店營生乾隆癸丑年適有營昌葉清茂池上銀二人合夥販菸寓店中一日池將如市賣買遺銀一包於厠李拾之池恍惚不能記憶葉疑池私匿二人嫌隙頓起李以拾銀還池感巢以鳩居壁仍趙有以



二十金謝之李不取分文爲匾其門曰百金不昧  
夫義利之辨在豐裕者恒易而在貧乏者恒難李  
之得而弗有以視世之不宜有而有者爲何如也  
什土俗不產奇花異卉人情亦樸質不尙繁華嘉慶  
二年山茶花價忽昂異樣者一本值五六百金合  
邑諠傳流及旁邑蓄花之家賂賣花枝幾如石崇  
王愷之鬪寶玉不數月向之五六百金者不過五  
六百文錢耳素豐之家以此而窘人始悔所爭趨  
者之非也先是縣令陳公懋勤出示禁之人多不  
悟

邑民譚興湖攜妻易氏自楚來川勤苦性成樂善好  
施雖百金隨緣給之不吝也嘉慶九年恭遇

覃恩賜八品老人五世一堂子孫孝心聲遍於鄉里  
嘉慶十六年夫婦年俱九十有八同日無疾而終  
人咸稱其異云

